

秦淮渔笛

《江行无题一百首》

水天凉夜月，不是少清光。好景随人物，秦淮忆建康。

钱考功集（钱起集）唐 钱起

《江令宅》

南朝词臣北朝客，归来唯见秦淮碧。

池台竹树三亩余，至今人道江家宅。

刘梦得文集（刘禹锡）唐 刘禹锡

《金陵三首其一》

每入秦淮口，风波更不忧。重看后庭树，还起旧时愁。

故老都无有，遗踪莫可求。何人能识意，白鹭在寒洲。

宛陵先生文集（宛陵先生集）

精校

[北宋] 梅尧臣 撰

《江宁夹口二首其一》

钟山咫尺被云埋，何况南楼与北斋。昨夜月明江上梦，逆随潮水到秦淮。

《江宁夹口二首其二》

日西江口落征帆，却望城楼泪满衫。从此梦归无别路，破头山北北山南。

临川先生文集（临川集）

精校

[北宋] 王安石 撰

《春江花月夜》

温庭筠

王树歌阑海云黑，花庭忽作青芜国。秦淮有水水无情，还向金陵漾春色。杨家二世安九重，不御华芝嫌六龙。百幅锦帆风力满，连天展尽金芙蓉。珠翠丁星复明灭，龙头劈浪哀笳发。千里涵空照水魂，万枝破鼻团香雪。漏转霞高沧海西，颇黎枕上闻天鸡。蛮弦玳雁曲如语，一醉昏昏天下迷。四方倾动烟尘起，犹在浓香梦魂里。后主荒宫有晓莺，飞来只隔西江水。

乐府诗集

精校

[北宋] 郭茂倩 辑

《张庖民挽词》

东晋巾车令，西京执戟郎。甘心向山水，结发事文章。故自轻千户，何曾羨一囊。天高鬼神恶，骨朽姓名芳。庾岭铭旌暗，秦淮旧宅荒。吾诗不用刻，妙语有黄香。

苏轼诗集（集注分类东坡先生诗）

精校

[北宋] 苏轼 著 · [南宋] 王十朋 著

《秦淮》

不将行李试闲关，谁信江湖道路难。肠断秦淮三百曲，船头终日见方山。

石湖居士诗集

精校

[南宋] 范成大 撰

《重九独坐玉麟堂》

江上西风动所思，又将清赏负东篱。年年客路黄花酒，日日乡心白鴈诗。笼月秦淮无旧曲，驰烟钟阜有新移。人生笑口真稀阔，况值官忙闵雨时。

石湖居士诗集

精校

[南宋] 范成大 撰

《秦淮并序》

自金陵复泛秦淮，宛转数百曲。世传始皇东巡，自江乘渡，望气者以为金陵有天子气，乃凿长冈，引潮水入焉，号曰“秦淮”。逶迤屈曲，不类人功，故又传为龙所开也。

祖龙驱群龙，疏此万丈沟。雨工恋故栖，十步九回头。至今秦淮曲，蜿若春蛇游。舟师厌回互，叹息倚桡楼。维昔东巡初，八极围寸眸。天端有佳气，郁郁东南浮。卜云当兴王，在后五百秋。叱咤召六丁，惨淡风云愁。凿渠断地脉，自谓神与谋。乾坤有端倪，已露不可收。大帝开吴天，定鼎临江隈。融融秣陵日，始照十二旂。经营暨六代，兹地称神州。乃知历数定，昧者徒私忧。兹事故老传，未知信然不。姑置勿重陈，作诗叹迟留。

石湖居士诗集

精校

[南宋] 范成大 撰

《风花》

海棠桃李雨中空，更著清明两日风。风似病癫无藉在，花如中酒不惺松。身行楚峤远更远，家寄秦淮东复东。道是残红何足惜，后来并恐没残红。

《秦淮官柳二首》

秦淮两潮西复东，淮边杨柳酣薰风。送春白花去漠漠，避日黄鸟啼匆匆。陶彭泽多倦宦叹，桓琅邪今衰病翁。此身会复有健日，拟就绿阴横钓篷。西来载病一扁舟，建业江山负胜游。杨柳经眼方自得，蒲帆临挂复淹留。长条似舞前溪曲，卷叶宜翻出塞愁。想见南朝旧人物，可怜能个样风流。

庆湖遗老诗集

粗校

[宋] 贺铸 撰

《送许子攸第归江宁拜亲因寄王大昌龄》

建业控京口，金陵款沧溟。君家临秦淮，旁对石头城。十年自勤学，一鼓游上京。青春登甲科，动地闻香名。解褐皆五侯，结交尽群英。六月槐花飞，忽思莼菜羹。跨马出国门，丹阳返柴荆。楚云引归帆，淮水浮客程。到家拜亲时，入门有光荣。乡人尽来贺，置酒相邀迎。闲眺北固楼，醉眠湖上亭。月从海门出，照见茅山青。昔为帝王州，今幸天地平。五朝变人世，千载空江声。

玄元告灵符，丹洞获其铭。皇帝受玉册，群臣罗天庭。
喜气薄太阳，祥光彻宵冥。奔走朝万国，崩腾集百灵。
王兄尚谪宦，屡见秋云生。孤城带后湖，心与湖水清。
一县无诤辞，有时开道经。黄鹤垂两翅，徘徊但悲鸣。
相思不可见，空望牛女星。

岑参集（岑嘉州诗）

精校

[唐] 岑参 著 · [唐] 杜确 著

《金陵夜泊》

冷烟轻淡傍衰丛，此夕秦淮驻断蓬。
栖鴈远惊沽酒火，乱鸦高避落帆风。
地销王气波声急，山带秋阴树影空。
数代精灵人不见，思量应在月明中。

才调集

精校

[唐] 韦轂 辑

《建康》

潮平远岸草侵沙，东晋衰来最可嗟。庾舅已能窥帝室，王郎还是预人家。山寒老树啼风曲，泉暖枯骸动芷牙。欲起九原看一遍，秦淮声急日西斜。

甲乙集（罗隐集）

精校

[唐] 罗隐 撰

《杂言-旅馆雪晴又睹新月众兴所感因成杂言》

寥寥深夜雪初晴，楼上云开月渐明。池中片影依稀见，帘外清光远近生。皎皎晴空疑破镜，广庭积素偏相映。珠帘卷却光更深，玉指持来色逾净。梦觉青楼最可怜，婵娟素魄满寒天。天地寥寥同一色，秦淮楚江无限极。归鸿断猿何处声，深闺旅馆遥相忆。长安五侯华阁开，嘉宾列座倾金罍。赏明月，玩流雪，纤手蛾眉座中设，清歌一声无断绝。夜已久，乐未阑，狐裘兽炭不知寒，珠环翠佩声珊珊。履舄纷纭桂袖攒，朱颜倚醉尽君欢。人生少年全不久，相看且劝杯中酒。丈夫富贵自有期，映雪读书徒白首。

权文公集

粗校

[唐] 权德舆 撰

《金陵筹李翰林谪仙子》

君抱碧海珠，我怀蓝田玉。各称希代宝，万里遥相烛。长卿慕蔺久，子猷意已深。平生风云人，暗合江海心。去秋忽乘兴，命驾来东土。谪仙游梁园，爱子在邹鲁。二处一不见，拂衣向江东。五两挂淮月，扁舟随海风。南游吴越徧，高揖二千石。雪上天台山，春逢翰林伯。宣父敬项托，林宗重黄生。一长复一少，相看如弟兄。惕然意不尽，更逐西南去。同舟入秦淮，建业龙盘处。楚歌对吴酒，借问承恩初。宫买长门赋，天迎驷马车。才高世难容，道废可推命。安石重携妓，子房空谢病。金陵百万户，六代帝王都。虎踞西江，钟山临北湖。湖山信为美，王屋人相待。应为岐路多，不知岁寒在。君游早晚还，勿久风尘间。此别未远别，

秋期到仙山。

[唐] 魏万 撰

《艳阳词》

不喜秦淮水，生憎江上船。载儿夫聳去，经岁又经年。

[唐] 刘彩春

《金陵三首》

恃险不能久，六朝今已亡。山形象龙虎，宫地牧牛羊。
江上鸥无数，城中草自长。临流邀月饮，莫挂一毫芒。
金陵逢晓雪，撩乱逗云来。已失乌衣巷，还成白玉台。
山盘犹隐见，江转似昭回。一听高楼笛，依稀认落梅。
每入秦淮口，风波更不忧。重看后庭树，还起旧时愁。
故老都无有，遗踪莫可求。何人能识意，白鹭在寒洲。

宛陵先生文集（宛陵先生集）

精校

[北宋] 梅尧臣 撰

《逢曾子固》

前出秦淮来，船尾偶搀燕。遽传曾子固，愿欲一相见。
顺风吹长帆，举手但慕羡。杨子东园头，下马情眷眷。
昔始知子文，今始识子面。吐辞亦何严，白昼忽飞霰。
我病不饮酒，烹茶又非善。冷坐对寒流，萧然未知倦。

宛陵先生文集（宛陵先生集）

精校

[北宋] 梅尧臣 撰

《赠江宁王高士》

自古江南风俗美，喜君高趣慕先贤。药无远近宁论报，家有图书不计钱。
已住秦淮借风月，遍寻吴国旧山川。尘缨我系未能解，每一来过驻画船。

宛陵先生文集（宛陵先生集）

精校

[北宋] 梅尧臣 撰

《江宁夹口二首》

钟山咫尺被云埋，何况南楼与北斋。昨夜月明江上梦，逆随潮水到秦淮。

临川先生文集（临川集）

精校

[北宋] 王安石 撰

《春江花月夜》

王树歌阑海云黑，花庭忽作青芜国。秦淮有水水无情，还向金陵漾春色。杨家二世安九重，不御华芝嫌六龙。百幅锦帆风力满，连天展尽金芙蓉。珠翠丁星复明灭，龙头劈浪哀笳发。千里涵空照水魂，万枝破鼻团香雪。漏转霞高沧海西，颇黎枕上闻天鸡。蛮弦玳雁曲如语，一醉昏昏天下迷。四方倾动烟尘起，犹在浓香梦魂里。后主荒宫有晓莺，飞来只隔西江水。

乐府诗集

精校

[北宋] 郭茂倩 辑

《张庖民挽词》

东晋巾车令，西京执戟郎。甘心向山水，结发事文章。故自轻千户，何曾羨一囊。天高鬼神恶，骨朽姓名芳。庾岭铭旌暗，秦淮旧宅荒。吾诗不用刻，妙语有黄香。

苏轼诗集（集注分类东坡先生诗）

精校

[北宋] 苏轼 著 · [南宋] 王十朋 著

《次韵少游学士送龚深之往金陵见王荆公》

春风随意可嬉娱，水有舟航陆有车。应笑杨雄未忘我，闭门犹著解嘲书。梦幼皆输古竺乾，功名何用咤燕然。羨君一棹江南去，碧荠时鱼暮雨边。虎踞龙盘亦漫雄，城荒狐兔往来通。可人谁有秦淮月，出没娟娟波浪中。白下长干春雾披，家家桃李粲朝晖。悬知一见毗耶老，心地如灰不更飞。

参寥子诗集

精校

[北宋] 释道潜 撰

《怀金陵三首》

此君堂后青苍玉，别后何曾寄一轂。想见秦淮月堂下，西风吹浪拍堤平。

张右史文集（宛丘集）

精校

[北宋] 张耒 撰

《秦淮》

不将行李试闲关，谁信江湖道路难。肠断秦淮三百曲，船头终日见方山。

石湖居士诗集

精校

[南宋] 范成大 撰

《乌衣巷》

飞云当日未停骖，巷在秦淮水以南。可笑异闻唐小说，余风犹袭晋清谈。

苇航漫游稿

粗校

[宋] 胡仲弓 撰

《秦淮官柳二首》

秦淮两潮西复东，淮边杨柳酣薰风。送春白花去漠漠，避日黄鸟啼匆匆。陶彭泽多倦宦叹，桓琅邪今衰病翁。此身会复有健日，拟就绿阴横钓篷。西来载病一扁舟，建业江山负胜游。杨柳经眼方自得，蒲帆临挂复淹留。长条似舞前溪曲，卷叶宜翻出塞愁。想见南朝旧人物，可怜能个样风流。

庆湖遗老诗集

粗校

[宋] 贺铸 撰

《送许子擢第归江宁拜亲，因寄王大昌龄》

建业控京口，金陵款沧溟。君家临秦淮，傍对石头城。十年自勤学，一鼓游上京。青春登甲科，动地闻香名。解榻皆五侯，结交尽时英。

王荊公唐百家诗选

粗校

[北宋] 王安石 撰

乌衣夕照

《乌衣巷》

朱雀桥边野草花，乌衣巷口夕阳斜。
旧来王谢堂前燕，飞入寻常百姓家。

刘梦得文集（刘宾客集）

精校

[唐] 刘禹锡 撰

《过故崔充海宅与崔明秀才话旧因寄旧僚杜赵李三掾》

缝帐思如昨，乌衣事莫寻。诸生空会葬，旧掾已华簪。
共入留宾驿，俱分市骏金。莫凭无鬼论，终负托孤心。

李义山诗集（李商隐诗集）

精校

[唐] 李商隐 撰

《题丰安里王相林亭二首公明太玄经》

花竹有薄埃，嘉游集上才。白苹安石渚，红叶子云台。
朱户雀罗设，黄门馭骑来。不知淮水浊，丹藕为谁开。

偶到乌衣巷，含情更惘然。西州曲堤柳，东府旧池莲。
星坼悲元老，云归送墨仙。谁知济川楫，今作野人船。

温庭筠诗集

精校

[唐] 温庭筠 撰

《和韦尚书答梓州兄南亭宴集》

棠棣闻余兴，乌衣有旧游。门前杜城陌，池上曲江流。
暇日尝繁会，清风咏阻修。始知西峙岳，同气此相求。

曲江集

粗校

[唐] 张九龄 撰

《偶题》

贱子曾尘国士知，登门倒屣忆当时。西川酌尽看花酒，东阁编成咏雪诗。莫道精灵无伯有，
寻闻任侠报爰丝。乌衣旧宅犹能认，粉竹金松一两枝。

唐英歌诗

粗校

[唐] 吴融 撰

《金陵怀古》

白门京阙旧山川，朱雀乌衣夕照边。百代荒陵崩夜雨，六朝遗殿锁秋烟。
胭脂岁久销宫井，苔藓春深绣御筵。往事凄凉无限泪，伤心最是建文年。

幔亭集

粗校

[明] 徐燧 撰

《乌衣夕照》

深巷迢迢接九垓，巷南巷北尽楼台。帘栊自放斜阳入，王谢难随燕子来。
花斗春光云锦簇，山含暮景画图开。几番醉拂吟鞭过，树影重重压翠苔。

独醉亭集

粗校

[明] 史谨 撰

《从兄龙武将军没于边戍，过旧营宅作》

前年都尉没边城，帐下何人领旧兵。微外瘴烟沉鼓角，山前秋日照铭旌。
笙歌却返乌衣巷，部曲皆还细柳营。今日园林过寒食，马蹄犹拟入门行。

徐公文集（骑省集）

精校

[北宋] 徐铉 撰

《春日寄张祠部》

乌衣巷口燕来时，杨柳风多飏酒旗。远客金陵游伴少，看花惭比去年迟。

高太史大全集（高启集）

精校

[明] 高启 著

《送许山人归长干别业》

君家乌衣巷，正对朱雀桥。乌衣去已久，斜阳树萧萧。红姜嫩生芽，紫芋肥长苗。斯时一樽酒，时赴东邻招。

眉庵集（杨基集）

精校

[明] 杨基 撰

《饮马氏东园》

乌衣东苑内，春色正芳菲。上客调诗律，佳人试舞衣。夭桃连雨发，鹦鹉入帘飞。
况是多春酒，厌厌夜不归。

海叟集

粗校

[明] 袁凯 撰

《观后堂秋燕》

喃喃若为语，栖栖犹恋巢。乌衣故乡近，好去莫辞劳。

凤池吟稿

粗校

[明] 汪广洋 撰

《题潭中书亭》

一庭春色报芳菲，玉女骖鸾采秀归。可是三花分少室，天香夜染绿罗衣。
名家旧出紫云溪，卜筑金陵汉水西。不比乌衣王谢宅，堂开贻谷燕长栖。

薛荔园诗集

粗校

[明] 佘翔 撰

钟阜晴云

《春日陪杨江宁及诸官宴北湖感古作》

昔闻颜光禄，攀龙宴京湖。楼船入天镜，帐殿开云衢。
君王歌大风，如乐丰沛都。延年献佳作，邈与诗人俱。
我来不及此，独立钟山孤。杨宰穆清风，芳声腾海隅。
英僚满四座，粲若琼林敷。鹳首弄倒景，蛾眉缀明珠。
新弦采梨园，古舞娇吴歊。曲度绕云汉，听者皆欢娱。
鸡栖何嘈嘈，沿月沸笙竽。古之帝宫苑，今乃人樵苏。
感此劝一觴，愿君覆瓢壶。荣盛当作乐，无令后贤吁。

《金陵听韩侍御吹笛》

韩公吹玉笛，倜傥流英音。
风吹绕钟山，万壑皆龙吟。
王子停凤管，师襄掩瑶琴。
余韵度江去，天涯安可寻？

《登梅冈望金陵赠族侄高座寺僧中孚》

钟山抱金陵，霸气昔腾发。天开帝王居，海色照宫阙。
群峰如逐鹿，奔走相驰突。江水九道来，云端遥明没。
时迁大运去，龙虎势休歇。我来属天清，登览穷楚越。
吾宗挺禅伯，特秀鸾凤骨。众星罗青天，明者独有月。
冥居顺生理，草木不剪伐。烟窗引薜薇，石壁老野蕨。
吴风谢安屐，白足傲履袜。几宿一下山，萧然忘干谒。
谈经演金偈，降鹤舞海雪。时闻天香来，了与世事绝。
佳游不可得，春风惜远别。赋诗留岩屏，千载庶不灭。

李白集（分类补注李太白诗）

精校

[唐] 李白 著

《留别金陵诸公》

海水昔飞动，三龙纷战争。钟山危波澜，倾侧骇奔鲸。
黄旗一扫荡，割壤开吴京。六代更霸王，遗迹见都城。
至今秦淮间，礼乐秀群英。地扇邹鲁学，诗腾颜谢名。
五月金陵西，祖余白下亭。欲寻庐峰顶，先绕汉水行。
香炉紫烟灭，瀑布落太清。若攀星辰去，挥手缅含清。

李白集（分类补注李太白诗）

精校

[唐] 李白 著

《登瓦官阁》

晨登瓦官阁，极眺金陵城。钟山对北户，淮水入南荣。
漫漫雨花落，嘈嘈天乐鸣。两廊振法鼓，四角吟风筝。
杳出霄汉上，仰攀日月行。山空霸气灭，地古寒阴生。
寥廓云海晚，苍茫宫观平。门余闾阖字，楼识凤凰名。
雷作百山动，神扶万栱倾。灵光何足贵，长此镇吴京。

李白集（分类补注李太白诗）

精校

[唐] 李白 著

《送道琚上人还金陵》

一与钟山别，山中得信稀。经年求法后，及夏问安归。
野实充甘膳，池花当彩衣。慈亲莫返拜，外礼欲无为。

皎然集（杼山集）

精校

[唐] 释皎然 撰 · [唐] 于颢 编

《咏史》

北湖南埭水漫漫，一片降旗百尺竿。三百年间同晓梦，钟山何处有龙盘。

李义山诗集（李商隐诗集）

精校

[唐] 李商隐 撰

《送道琚上人还金陵》

一与钟山别，山中得信稀。
经年求法后，及夏问安归。
野实充甘膳，池花当彩衣。
慈亲莫返拜，外礼欲无为。

杼山集

粗校

[唐] 释皎然 撰

《留别金陵诸公金陵》

海水昔飞动，三龙纷战争。钟山危波澜，倾侧骇奔鲸。黄旗一扫荡，割壤开吴京。
六代更霸王，遗迹见都城。至今秦淮间，礼乐秀群英。五月金陵西，祖余白下亭。
欲寻庐峰顶，先绕汉水行。香炉紫烟灭，瀑布落太清。若攀星辰去，挥手缅含情。

李太白文集

粗校

[唐] 李白 撰

《金陵歌送别范宣》

石头巉岩如虎踞，凌波欲过沧江去。钟山龙盘走势来，秀色横分历阳树。四十余帝三百秋，
功名事迹随东流。白马小儿谁家子，泰清之岁来关囚。

李太白文集

粗校

[唐] 李白 撰

《登瓦官阁》

晨登瓦官阁，极眺金陵城。钟山对北户，淮水入南荣。漫漫雨花落，嘈嘈天乐鸣。两廊振法鼓，四角吟风筝。杳出霄汉上，仰攀日月行。山空霸气灭，地古寒阴生。寥廓云海晚，苍茫宫观平。门余闾阖字，楼识凤皇名。雷作百山动，神扶万拱倾。灵光何足贵，长此镇吴京。

李太白文集

粗校

[唐] 李白 撰

《春日陪杨江宁及诸官宴北湖感古作金陵》

昔闻颜光禄，攀龙宴京湖。楼船入天镜，帐殿开云衢。君王歌大风，如乐丰沛都。延年献佳作，邈与诗人俱。我来不及此，独立钟山孤。杨宰穆清风，芳声腾海隅。英僚满四座，粲若琼林敷。鹢首弄倒景，蛾眉缀明珠。新弦采梨园，古舞娇吴歊。曲度绕云汉，听者皆欢娱。鸡栖何嘈嘈，沿月沸笙竽。感此劝一觴，愿君覆瓢壶。荣盛当作乐，无令后贤吁。

李白集（分类补注李太白诗）

精校

[唐] 李白 著

凤台夜月（20）

《登金陵凤凰台》

凤凰台上凤凰游，凤去台空江自流。吴宫花草埋幽径，晋代衣冠成古丘。三山半落青天外，一水中分白鹭洲。总为浮云能蔽日，长安不见使人愁。

李白集（分类补注李太白诗）

精校

[唐] 李白 著

《金陵凤凰台置酒》

置酒延落景。金陵凤凰台。长波写万古。心与云俱开。借问往昔时。凤凰为谁来？凤凰去已久。正当今日回。明君越羲轩。天老坐三台。豪士无所用。弹弦醉金罍。东风吹出花。安可不尽杯？六帝没幽草。深宫冥绿苔。置酒勿复道。歌钟但相催。

李白集（分类补注李太白诗）

精校

[唐] 李白 著

《凤凰台》

秦娥一别凤凰台，东入青冥更不回。空有玉箫千载后，遗声时到世间来。

新雕注胡曾咏史诗

精校

[唐] 胡曾 撰

《凤凰台》

凤鸟久不至，斯台空复高。何年种梧竹？特地翦蓬蒿。白水来无际，青山转几遭。南游且未返，江海共滔滔。

栾城集

粗校

[北宋] 苏辙 撰

《凤凰台晚眺》

经月疏行台上路，秣陵城郭忽秋风。马嘶卫霍空营里，萤起齐梁废苑中。野寺旧曾开玉帐，翠华久不幸离宫。小儒记得龙兴事，闲对山僧说魏公。

后村先生大全集

精校

[南宋] 刘克庄 撰

《凤凰台》

凤皇台上野乌啼，笳鼓连云日又西。天地无情潮寂寞，英雄有恨黍高低。残桁夜雨迷朱雀，荒堽秋风怨白鸡。空有断碑苍藓里，千年留得谪仙题。

皇元风雅

精校

[元] 传习 辑 · [元] 孙存吾 辑

《登凤凰台》

梧桐叶落秋风老，人去台空凤不来。梁武台城芳草合，吴王宫殿野桃开。石头城下春如水，燕子堂前雨长苔。莫问人间兴废事，百年相遇且衔杯。

萨天锡诗集（萨都刺集）

精校

[元] 萨都刺 撰

《凤凰台》

凤凰一举周八极，金陵犹有凤皇台。万年龙虎自蟠踞，此日凤皇湏复来。陇西太白已无迹，江左夷吾真有才。登高送客多古意，长歌慷慨共持杯。

清江贝先生文集

精校

[明] 贝琼 撰

《丁未初至南京登凤凰台》

城上青山合，江中锦浪开。纷纷六朝事，独倚凤皇台。

密庵诗稿（谢肃集）

精校

[明] 谢肃 撰

《凤凰台》

凤凰台上野乌啼，笳鼓连营日又西。天地无情潮寂寞，英雄有恨黍高低。残桁夜雨迷朱雀，荒堦秋风怨白鸡。空有断碑苍藓里，千年留得谪仙题。

陈刚中诗集

粗校

[元] 陈孚 撰

《凤凰台》

昔人从此吹箫去，万古高台对水流。试看旧时明月影，夜深钟鼓五云秋。

鸣盛集

粗校

[明] 林鸿 撰

《凤凰台》

玉垒缘江南北分，凤凰台高高入云。元嘉纪瑞空陈迹，李白题诗真绝群。黄屋静移鸛鹄影，彩霞犹见羽衣文。不须洒泪新亭上，慷慨狂歌日又曛。

文氏五家集

粗校

[明] 文洪 撰 · [明] 文征明

《凤凰台》

一径逶迤草自芳，何为不复更翱翔。应须旧国还宣武，别有高台在建章。白鹭背花寻塔路，赤乌冲柳集宫墙。中兴不比偏安事，且对梧桐荐羽觞。

端平诗集

粗校

[宋] 周弼 撰 · [宋] 李恭 编

《凤凰台》

太白题诗凤游处，古台萧索换流年。风流偶出齐梁后，文藻犹含晋、宋前。淮水夜明沧海月，石城春暗秣陵烟。古来宫殿俱无迹，风雨凭高独黯然。

傅与砺集

粗校

[元] 傅若金 撰

《凤凰台》

试上高台问昔游，凤凰飞去几千秋。渔翁暗指前朝事，白鹭洲边楚水流。

西村诗集

粗校

[明] 朱朴 撰 · [明] 朱彩 编

《凤凰台》

江绕空台山四围，大书深刻谪仙诗。海隅均被文明化，祇恐凤来人不知。

纯白斋类稿

粗校

[元] 胡助 撰

《登凤凰台》

江上秋风吹鬓丝，古台又落我游时。六朝往事青山见，四海闲人白鸟知。诗卷也充行李货，布袍不直酒家资。弹无长铗怀无刺，浩荡高歌归去兮。

石田诗选

粗校

[明] 沈周 撰 · [明] 华汝德 编

《和李白凤凰台》

千载荒台凤不游，青天江水各东流。九嶷有地埋虞舜，四海何人识孔丘。岁月劳劳悲白发，古今滚滚换沧洲。凭谁放起登临眼，分付诸公莫浪愁。

定山集

粗校

[明] 庄昶 撰

《拟登金陵凤凰台》

高台犹有凤凰名，台下金河绕帝庭。淮水漫流千古恨，钟山还带六朝青。风檣积雨丹阳渡，酒幔寒花白下亭。欲把一杯招李白，海天霜雁晚冥冥。

草泽狂歌

粗校

[明] 王恭 撰

《凤凰台》

亭亭凤凰台，北对西康州。西伯今寂寞，凤声亦悠悠。山峻路绝踪，石林气高浮。安得万丈梯，为君上上头。恐有无母雏，饥寒日啾啾。我能剖心血，饮啄慰孤愁。心以当竹实，炯然

忘外求。血以当醴泉，岂徒比清流。所重王者瑞，敢辞微命休。坐看彩翮长，举意八极周。自天銜瑞图，飞下十二楼。图以奉至尊，凤以垂鸿猷。再光中兴业，一洗苍生忧。深衷正为此，群盗何淹留。

杜工部集

粗校

[唐] 杜甫 撰

龙江夜雨

《龙江夜行》

细雨过一作满江头，孤篷夜未休。归心与烟浪，相逐下扬州。

海叟集

粗校

[明] 袁凯 撰

《龙江夜泊》

蒋山山头秋月明，龙江江上暮潮生。行人又是金陵客，卧听西风鼓角声。

西庵集

粗校

[明] 孙蕡

《海口》

暂游不得久婆娑，奈此龙江景物何。天势去随帆际尽，海声来傍枕边多。昏窗微见灯明屿，霁阁遥看日浴波。定有后人寻旧迹，已留小篆识山阿。

后村先生大全集

精校

[南宋] 刘克庄 撰

《与冯吕饮秋香亭三子皆吾友之纯席生》

庞眉书客感秋蓬，更在京尘 洞中。莫对青山谈世事，且将远目送归鸿。

龙江文采今谁似，凤翼年光梦已空。剩着新诗记今夕，尊前四客一衰翁。

遗山先生文集（遗山集）

精校

[金] 元好问 撰

《金太子允恭墨竹》

黑龙江头气郁葱，武元射龙江水中。江声怒号久不泻，破墨挥洒余神功。天人与竹皆真龙，墨竹以来凡马空。人间只有墨君堂，何曾梦到琼华宫。瑶光楼前月如练，倒影自有河山雄。金源大定始全盛，时以汉文当世宗。兴陵为父明昌子，乐事孰与东宫同。文采不随焦土尽，风节直与幽兰崇。百年图籍有萧相，一代英雄惟蔡公。策书纷纷少颜色，空山夜哭遗山翁。

我亦飘零感白发，哀歌对此吟双蓬。秋声萧萧来晚风，极目海角天无穷
静修先生文集（静修集）
精校
[元] 静修先生文集 撰

石城霁雪

《上元怀古二首》
南朝天子爱风流，尽守江山不到头。总是战争收拾得，却因歌舞破除休。尧将道德终无敌，秦把金汤可自由。试问繁华何处在，雨苔烟草石城秋。
才调集
精校
[唐] 韦骥 辑

《石城》
石城昔为莫愁乡，莫愁魂散石城荒。江人依旧棹舴艋，江岸还飞双鸳鸯。帆去帆来风浩渺，花开花落春悲凉。烟浓草远望不尽，千古汉阳闲夕阳。
郑守愚文集（云台编）
精校
[唐] 郑谷 撰

白鹭春潮

《宿白鹭洲寄杨江宁》
朝别朱雀门，暮栖白鹭洲。波光摇海月，星影入城楼。望美金陵宰，如思琼树忧。徒令魂入梦，翻觉夜成秋。绿水解人意，为余西北流。因声玉琴里，荡漾寄君愁。
李白集（分类补注李太白诗）
精校
[唐] 李白 著

《送殷淑三首其二》
白鹭洲前月，天明送客回。青龙山后日，早出海云来。流水无情去，征帆逐吹开。相看不忍别，更进手中杯。
李白集（分类补注李太白诗）
精校

[唐] 李白 著 · [南宋] 杨齐贤 著

《白鹭洲舟泊》

沙头捕鱼艇，朝出晚未还。不如洲上鹭，闲立看青山。

茗斋集（彭孙贻集）

精校

[清] 彭孙贻 撰并辑

《白鹭洲夕泛》

楚客扁舟晚何适，千峰万峰秋欲滴。一尊落日堕归鸿，万片断虹随暮鹜。美人何处摘兰苕，白鹭千行起芦荻。明月偏思广陵箫，梅花又落江城笛。与君一醉大江头，醒后天河挂东壁。

宗子相集

粗校

[明] 宗臣 撰

《阻风白鹭洲招讷上人》

辛未正月赋。

凤皇台下凤皇巢，白鹭洲边白鹭涛。舟未解维先望见，风能传语更相招。江南春物为谁好，淇上归心不自聊。何日结茅钟阜尾，幅巾相对一方袍。

庆湖遗老诗集

粗校

[宋] 贺铸 撰

《泊白鹭洲时辛道宗兵溃犯金陵境上金陵守不得入》

脱迹干戈幸再生，时时心折梦围城。南来客枕能安否，更作江湖盗贼惊。城头传令插军麾，城外行人泪满衣。处处悲风吹战角，沙洲白鹭莫惊飞。月满沧江风水清，沉沉冰鉴照孤城。何人心绪犹无事，醉卧船舷一笛横。

忠正德文集

粗校

[宋] 赵鼎 撰

天印樵歌

《龙山人惠石廩方及团茶》

客有衡岳隐，遗余石廩茶。自云凌烟露，采掇春山芽。

圭壁相压叠，积芳莫能加。碾成黄金粉，轻嫩如松花。
红钯爨霜枝，越儿斟井华。滩声起鱼眼，满鼎漂清霞。
凝澄坐晓灯，病眼如蒙纱。一瓿拂昏寐，襟鬲开烦拏。
顾渚与方山，谁人留品差。持瓿默吟味，摇膝空咨嗟。

李群玉诗集（李文山诗集）

精校

[唐] 李群玉 撰

《金陵八景·其五 天印樵歌》

史谨〔明代〕

夹路青山拥翠螺，每闻樵唱隔烟萝。

暗惊鹤梦穿云杪，细答松声出涧阿。

几度半酣扶杖听，有时一曲傍林过。

晚来弛担长松下，复和岩前扣角歌。

《天印山》

陈振〔明代〕

化工陶铸几年成，形势端然似印平。
组绶影留河水绕，篆文色借岭霞明。
尚馀仙迹遗丹井，长捧祥云拱帝城。
揽辔都门凝望久，数行飞鸟暮天清。

《梁台六咏·其三 天印夕阳》

史谨〔明代〕

山形如印阁晴空，翠压秦淮秀所钟。
几度登临斜日里，白云红树影重重。

《东野·其一》

顾璘〔明代〕

天印山如天斲方，秦淮水萦练带长。
夜坐船头看明月，垂虹斜挂几飞梁。

《钟山高望》

卢宁〔明代〕

昔年惭霸气，此日纪皇坟。
地坼东吴月，江吞西楚云。
帝宫悬法象，天印耀台文。
秋霁登临好，霞光彻海濆。

